



# Te mahere ā-rohe o Kaipātiki 2020

He aronga poto i tā mātou mahere



## Mihi

Tēnā kia hoea e au taku waka mā ngā tai mihi o ata  
e uru ake ai au mā te awa o Tāmaki  
ki te ūnga o Tainui waka i Ōtāhuhu.

I reira ka tōia aku mihi  
ki te uru ki te Pūkaki Tapu o Poutūkeka,  
i reira ko te Pā i Māngere.

E hoe aku mihi mā te Mānukanuka o Hoturoa  
ki te kūrae o Te Kūiti o Āwhitu.

I konā, ka rere taku haere mā te ākau  
ki te pūaha o Waikato, te awa tukukiri o ngā tūpuna,  
Waikato Taniwharau, he pikō he taniwha.

Ka hīkoi anō aku mihi mā te taha whakararo  
mā Maioro ki Waiuku ki Mātukutūreia,  
kei konā, ko ngā Pā o Tāhuna me Reretewhioi.

Ka aro whakarunga au kia tau atu ki Pukekohe.  
Ka tahuri te haere a taku reo ki te ao o te tonga  
e whāriki atu rā mā runga i ngā hiwi,  
kia taka atu au ki Te Paina,  
ki te Pou o Mangatāwhiri.

Mātika tonu aku mihi ki a koe Kaiaua  
te whākana atu rā ō whatu mā Tīkapa Moana  
ki te maunga tapu o Moehau.

Ka kauhoetia e aku kōrero te moana ki Maraetai  
kia hoki ake au ki uta ki Ōhuiarangi,  
heteri mō Pakuranga.

I reira ka hoki whakaroto ake anō au  
i te awa o Tāmaki  
mā te taha whakarunga ki te Puke o Taramainuku,  
kei konā ko Ōtara.

Kātahi au ka toro atu ki te Manurewa a Tamapohore,  
kia whakatau aku mihi mutunga  
ki runga o Pukekiwiriki  
kei raro ko Papakura – ki konā au ka whakatau.

Kei tēnei puka te whakarāpopotohanga o te Mahere Pōari ā-Rohe. Toro atu  
ki te paetukutuku o Te Kaunihera o Tāmaki Makaurau,  
[www.aucklandcouncil.govt.nz](http://www.aucklandcouncil.govt.nz) mō te roanga ake o te mahere.

## **He kōrero nō te Heamana**

Tēnā koutou, tēnā koutou, tēnā koutou katoa.

Nōku te maringenui ki te whakatakoto i te Mahere o te Poari ā-Rohe o Kaipātiki 2020, he puka rautaki hei ārahi i ngā whakataunga o ngā toru tau kei mua i te aroaro.

### **He kōrero mō te mahere**

I hua mai tēnei mahere wawata i te tuhinga tuatahi i whakatakotohia i ngā marama i te tīmatanga o te tau. I taua wā e torotoro ana ngā taumahatanga o te urutā MATE-KORONA ki ō tātou hapori, ohu whakahaere, pakihī hoki. He waimarie nō mātou i ngā kōrero i whakahokia mai, ā, whai muri i ngā whiriwhiringa, i whakahoungia te mahere.

Ko tētahi wāhanga o te whakatinanatanga o tēnei mahere i ngā toru tau kei mua i te aroaro - ka whakapau kaha te Poari ā-Rohe o Kaipātiki ki te whakakaha i ngā herenga ki te mana whenua me te iwi Māori o tēnei rohe, ki te tono i ō rātou whakaaro hoki.

### **Te rārangi kaupapa hei pīkau**

Te pai mutunga o Kaipātiki hei wāhi noho, hei wāhi mahi, hei wāhi ngahau.

**Te whanaungatanga me te oranga o te tangata** – Ka whakamanahia, ka tautokona ngā rōpū hapori huhua, me ō tātou tūao, ki te whakakipakipa i te whanaungatanga i tō tātou hapori kanorau kia hua mai ai te taurikura me te kotahitanga. Ka whakapau kaha hoki mātou ki te manaaki, ki te whakaruruuhau i ō tātou taonga tuku iho motuhake.

**Te Taiao** – Ka aro mātou ki te whakaoratanga o ngā ngahere tāone, te whakakorenga o ngā riha (mā te mahi tahi ki ngā tūao), te whanake i te rerenga raupi e noho ana ki ngā repo me ngā arawai, ā, mā reira e kīa ai "e kākāriki haere ana a Kaipātiki". Waihoki, e whakahoungia ana ngā ara hīkoi ngahere, e whakaruruuhautia ana ngā kauri i te urutā rākau. Kei te rae o te whakaaro hoki ngā raru āhuarangi, nā whai anō, ka kitea i ngā whāinga o te mahere ngā kaupapa ki te whakakaha i te taiao, ki te whakangāwari i ngā taumahatanga kia toitū ai te taiao. Ka rangahaua te huarahi ki te aukati i te waipuke ki Little Shoal Bay.

**Ngā wāhi o te rohe** – E mahi ngātahi ana mātou ko Panuku ki te whakahou i te pokapū tāone o Northcote, ā, e whakaritea ana te rautaki pakihī ki te whakatū i tētahi whare kaupapa-huhua kia mutu ai tō tātou whakamahi i te whare pae tūru o Birkenhead War Memorial Park. Ka kōkiri tonutia te kaupapa SunSmart ki te whakahaumaru i ngā papa tākaro, ki te whakapaipai i ngā papa tākaro me ngā pokapū tāone.

**Te pūnaha hāereere me ūna tūhonotanga** – Kua rongo mātou - ko tō koutou e hiahia nei ko ngā aratau hāereere pai kia taea te toro (marutau) atu ki ngā tōpitopito o te rohe. Ka kokea tonutia ngā haurahi me ngā hononga-rori hōu, ka mahi ngātahi mātou ko Auckland Transport ki te whakapaipai i ngā rori me ngā waka tūmatanui. Ka mahi tahi hoki mātou ko Waka Kotahi NZ Transport ki te whakatinana i Te Ara Pae Moana me tētahi anō whakawhitinga wai.

**Te houkura ki rō rohe** – Whai muri i te urutā MATE-KORONA, e hiahia ana mātou kia whai wāhi ngā tāngata ki te hoko ki rō rohe, ki te noho ki rō rohe, ki te mahi ki rō rohe. Ka rangahaua ngā kōwhiringa ki te whakatinana i ēnei.

Ko ētahi o ngā kaupapa i whakatakotohia e mātou he kaupapa nō ētahi atu, he kaupapa e kore e taea nā runga i te utu nunui rānei. Kia tinana ai ngā kaupapa nei me akiaki i te Governing Body ki te tuku pūtea mai i te tahua pūtea 10-tau o te kaunihera, ā, me akiaki hoki i ērā atu rōpū mana nui pēnei i a Auckland Transport. Heoi, e whakaae ana mātou - he uua te taha ohaoha me te taha whakawhanake tāone i tēnei wā.

### **Ngā kaupapa**

Ia tau ka whakaritehia e te poari te kaupapa mahi mō te tau e whakaatu ana i ngā kaupapa me ngā hinonga hei hāpai i te tau pūtea kei mua i te aroaro. He mahi ki te whakahou, ki te whakapaipai i ngā rawa pūmau, ngā hinonga me ngā kaupapa hoki. Mā ngā kaupapa i whakairihia ai ki te mahere poari ā-rohe mātou e āwhina ki te whakarārangī i ngā mahi hei pīkau ki Kaipātiki.

He herenga tō tēnā, tō tēnā, ki te āpōpō o Kaipātiki, ā, kei tēnei mahere te ara ki te whakawhanake i tō tātou hapori i ngā toru tau kei mua i te aroaro.



**John Gillon**

Heamana, Kaipātiki Local Board

## **He whakarāpopotohangā o ngā kaupapa matua o te mahere**

### **Whakaotinga tahi: Te Whai Wāhitanga me te Oranga**

Ka puāwai te whanaungatanga, ka whai wāhi atu ngā tāngata katoa ki te ngā kaupapa o te hapori, ka tautokona ngā tāngata ki te whai atu i te ara auaha, te ara korikori tinana, te ara hauora me te ara aumangea.

### **Whakaotinga rua: Te Taiao**

E manaakitia ana te taiao, e whakaoratia ana te taiao hei painga mō ngā reanga e haere ake nei.

### **Whakaotinga toru: Ngā Wāhi me ngā Takiwā**

Ko ngā whare i hangaia he whare hīkaka, he whare kounga nui, he whare e kitea ai ngā iwi me ngā taonga tuku iho o Kaipātiki, ā, kua ea ngā wawata o te hapori.

### **Whakaotinga whā: Te Ikiiki me ngā Tūhononga**

He maha ngā aratau hāereere, ā, he ngāwari te whakamahi, he marutau te whakamahi i ēnei aratau kia taetae atu ki ngā tōpitopoti o te rohe.

### **Whakaotinga rima: Te Āheinga me te Taurikura**

Ka taea e tātou te hoko ki rō rohe, te noho ki rō rohe, te mahi ki rō rohe.

## Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Kaipātiki mai i te 1 Hōngongoi 2020 ki te 30 Pipiri 2021.

Rārangi Tahua Pūtea ā-Tau	2020/21 (\$000)
<b>Whiwhinga moni i ngā mahi whakahaere</b>	
Ratonga hapori ā-rohe	5,288
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
<b>Tataunga whiwhinga moni i ngā mahi whakahaere</b>	<b>5,288</b>
<b>Whakapaunga moni ki ngā mahi whakahaere</b>	
Ratonga hapori ā-rohe	17,616
Whakarautaki ā-rohe me ngā mahi whakawhanake	342
Ratonga taiao ā-rohe	223
Mahi kāwana ā-rohe	1,020
<b>Tataunga whakapaunga moni ki ngā mahi whakahaere</b>	<b>19,201</b>
<b>More whakapaunga moni ki ngā mahi whakahaere</b>	<b>13,913</b>
<b>Whakapaunga pūtea tōpū</b>	
Ratonga hapori ā-rohe	6,557
Whakarautaki ā-rohe me ngā mahi whakawhanake	
Ratonga taiao ā-rohe	
Mahi kāwana ā-rohe	
<b>Tataunga whakapaunga pūtea tōpū</b>	<b>6,557</b>

## **Ngā Mema o te Poari ā-Rohe o Kaipātiki**

	<b>Ngā taipitopito hei toro atu ki ngā mema</b>
	<b>John Gillon – Heamana</b> Waea: 021 286 2288 <a href="mailto:john.gillon@aucklandcouncil.govt.nz">john.gillon@aucklandcouncil.govt.nz</a>
	<b>Danielle Grant – Heamana Tuarua</b> Waea: 021 835 724 <a href="mailto:danielle.grant@aucklandcouncil.govt.nz">danielle.grant@aucklandcouncil.govt.nz</a>
	<b>Paula Gillon</b> Waea: 021 529 723 <a href="mailto:paula.gillon@aucklandcouncil.govt.nz">paula.gillon@aucklandcouncil.govt.nz</a>
	<b>Ann Hartley</b> Waea: 027 490 6909 <a href="mailto:ann.hartley@aucklandcouncil.govt.nz">ann.hartley@aucklandcouncil.govt.nz</a>
	<b>Melanie Kenrick</b> Waea: 021 198 1079 <a href="mailto:melanie.kenrick@aucklandcouncil.govt.nz">melanie.kenrick@aucklandcouncil.govt.nz</a>
	<b>Cindy Schmidt</b> Waea: 021 194 6851 <a href="mailto:cindy.schmidt@aucklandcouncil.govt.nz">cindy.schmidt@aucklandcouncil.govt.nz</a>

	<b>Ngā taipitopito hei toro atu ki ngā mema</b>
	<b>Andrew Shaw</b> Waea: 021 198 1714 <a href="mailto:andrew.shaw@aucklandcouncil.govt.nz"><u>andrew.shaw@aucklandcouncil.govt.nz</u></a>
	<b>Adrian Tyler</b> Waea: 021 535 841 <a href="mailto:adrian.tyler@aucklandcouncil.govt.nz"><u>adrian.tyler@aucklandcouncil.govt.nz</u></a>



---

© 2020 Auckland Council  
Auckland Council, Kaipātiki Local Board

ISSN 2253-1076 (Print)  
ISSN 2230-6706 (PDF)

Auckland Council disclaims any liability whatsoever in connection with any action taken  
in reliance of this document for any error, deficiency, flaw or omission contained in it.